

INUIT ATAQATIGIIT

Inatsisartuni



UKA 2018/11
Oktobarip 9-at, 2018
Sara Olsvig

2017-imut Nunatta Karsiata naatsorsuutaasa akuersissutigineqarnissaannik siunnersuut.

Aningaasaqarnermut Naalakkersuisoq

Inuaqatigiittut tamatta aningaasaqarnitsinnut naatsorsuutit 2017-moortut kusanarluinnartut ullumikkut siullermeerutaasumik oqallisigaavut.

2017-mi Ingerlatsinermut, Sanaartornermut Taarsigassarsiarititanullu, IST-mut, 204 mio. kr.-nik sinneqartooruteqarpugut Ingerlatsinermullu Sanaartornermullu, IS-mut, 230 mio. kr.-nik sinneqartooruteqarluta.

Missingersuusiarisimasunit nikingassut annertuvooq. IST-mi angusat 303 mio. kr.-nik annertunerupput IS-milu 279 mio. kr.

Tamanna aalisakkat raajallu akiisa qaffasinnerannut tunngaveqarlunilu akileraartarnikkut inuaqatigiinni aningaasaqarnitta qaffassimanera peqqutigalugu isertitaqarsimaneunerput tunngaveqarpoq. Inuit Ataqatigiit tamanna nuannaarutigaarput.

Inuussutissarsiornikkullu siammäsinnerusumik ineriartortitsinissamat ilungersornerusariartugut aamma isumaqarpugut, aalisarnermit isertitaqarnerup saniatigut aningaasarsiorfissat suli amerlinerunissaat pillugu. 2017-mimi aningaasarsiorluarsimaneunerput aalisakkat akigissaarneranneersuuneruvoq ukiunil uaggersuni aalisarneq arlaatigu tajalusuussagaluarpat akilluuniit appariataassagaluarpata Nunatta Karsianut annertuumik kingunerlussinnaavoq.

Akileraartarnikkut akitsuusersuinikkullu 100 mio. kr.-it missaannik missingersuusiarisimasumit isertitaqarnerunerput pitsaasumik ingerlasoqarneranik takussutissaavoq pisortaniillu ikorsiissutinut aningaasartuutit appariarsimaneunerannut ilanngullugu innuttaasut amerlanerit aningaasaqarnikkut ingerlallualersimaneunerannut takussutissaalluni. Tamatuma saniatigut aaqqissusseqqinnerit eqqunneqarsimasut sunniuteqarnerannik takussutissaavoq.

Allaffissornikkut 2017-mi sipaaruteqartoqarsimanera nuannaarutigaarput. Tamannami partiit tamakkerlugit kissaatigisimavaat qujanaporlu oqaasiinnaanani ilumut pisimammat. Kissaatigaarput ataatsimiitaliami naalakkersuisoqarfinni ataasiakkaani qanorpiaq sipaaruteqartoqarsimanersoq misissorneqassasoq.

2017-imut Nunatta Karsiat naatsorsuutaasa akuersissutigineqarnissaannik siunnersuut upernaakkut ataatsimiinnermi siullermeerneqarsimasussaagaluarpoq. Ataatsimiinnerli taanna pinngitsoorpoq siusinaartumik qinersisoqarnera peqqutigalugu. Tamanna uggornarpoq.

Nuannaarutigaarpulli kukkunersiuinermut ataatsimiitaliap naatsorsuutit aasanginneranili tigusimammagit, tassami naatsorsuutit sukumiisumik misissornissaannut ataatsimiitaliaq piffissaqartariaqarpoq.

Eqqumaffigaarput § 37 tunngavigalugu apeqquteqarnikkut tusagassiorfitsigullu saqqummersutut naalakkersuisutut aningaasartuutinik atornerluisoqarsimaneranik pasitsaassisooqarmat. Inuit Ataqatigiinnit erseqqissumik oqaatigissavarput Nunatta Karsianit atornerluineq akuersaangilluinnaratsigu. Taamaammat suliap pineqartup, pisoqarsimappat, Kukkunersiuinermut Ataatsismiitaliamit misisorluarneqarnissa pisoqarsimappallu Inatsisartunut piaartumik nalunaaruteqarnissaat piumasaraarput. Naalakkersuisut Siulittaasuata inuiaqatigiinnut aamma nassuaasasiaqarnera piumasaralutigu.

Taama oqaaseqarluta siunnersuutip kukkunersiuinermut ataatsimiitaliamit sukumiisumik suliarineqarnissaanut innersuupparput.